

四庫全書

史部

欽定四庫全書

寶刻叢編卷十

宋 陳思 撰

陝西永興軍路下

河中府

唐蒲州刺史裴寬德政碑

唐趙良器撰韓擇木分書開元二十四年

訪碑錄

唐贈文部郎中薛悌碑

欽定四庫全書

寶刻叢編

唐國子司業蘇預撰武部郎中徐浩八分悌長盧人
中宗時為雍州司兵參軍坐魏元忠流死袁州天寶

中子伯連為咸寧令追贈悌文部郎中

集古錄目

唐薛悌碑天寶十三載二月

金石錄

唐玄宗登道遙詩

唐玄宗御製并分書太常卿姜皎書年月蒲州刺史

王璵以詩刻石請御書碑額袁一蒲州刺史顏真卿

書答詔肅宗書以乾元元年立

集古錄目

唐王公城河中頌

陳翊傳盧耿正書上元元年十月

金石錄

唐萬泉令裴千鈞德政碑

唐蕭嵩正書皇太子已下題

陝州

唐禹廟題名

唐陝州別駕崔穎等題名字為八分不著名氏開元

二十五年刻

集古錄目

唐禹廟頌

唐龍門令呂延祚撰楚順八分書開元中刻於漢宗

季方禹廟題名之上

續隸

唐砥柱山名

唐魏徵撰薛純書

諸道石刻錄

在硤石縣唐貞觀十二年太宗東巡臨幸於此今有

魏徵所製碑銘

寰宇記

唐獨孤府君頌德碑

唐硤石尉孟缺休撰桃林主簿盧元珪書

碑今缺府君名不可見其字曰思思下又缺一字河南洛陽人給事中元愷之子為陝州桃林令入為水部員外郎桃林人立此碑以頌德據唐書表元愷二子曰思莊思行而亦不著名此不知其為誰也碑以

調露二年立

集古錄目

府元府君德政碑

不著書撰人名氏府君名思哲字知仁河南洛陽人

以絳都夏縣令卒於官縣人右監門校尉陰神義等

為立碑以頌德以調露二年立在夏縣

集古錄目

周石柱銘

唐陝州刺史

碑缺

撰八分書不著名氏

缺

柱者相傳以為周召分陝所立以別地

缺

著所刻年月驗其字武后時

缺

等題名

集古錄目

唐楊玄琰碑

唐崔馮撰梁昇卿八分書開元六年四月

唐萬回法師碑

唐徐堅撰行書無姓名開元十年閏五月

金石錄

唐立關龍逢碑

在靈寶縣西南七里唐太宗東巡致祭開元十三年

立碑舍人吳鞏之詞

寰宇記

唐刺史盧真廳事贊

唐玄宗御製御書帝西幸遇陝府至真廳事題贊於

其壁真以刻石并謝表批答附於後

延州

中郿督延安府屬上郡漢初為翟國尋復為
上郡後漢因之漢末羌胡缺戶口

流散郡縣廢焉後魏置東夏州西魏改曰延
州置總管府隋置延安郡唐復為延州梁號

七 忠義軍後唐改曰彰武皇朝陞延安府今縣
膚施 延川 延長 門山 臨真

數政
甘泉

唐石像文并陰

唐延州別駕唐琰撰不著書人名氏顯慶中琰之祖

季卿為延州刺史造石龕立三佛像開元中琰復為
州別駕加以鐫飾以開元二十七年立此碑并碑陰

題名

集古
錄目

同州

戰國時屬秦魏秦屬內史項羽分屬塞國漢
高帝置河上郡景帝分為左內史武帝改為
左馮翊東漢因之魏除左字但為馮翊郡晉
及元魏皆因之兼置華州西魏改曰同州隋
初郡廢大業州廢復置馮翊郡唐武德元年
曰同州天寶元曰馮翊郡梁曰忠武軍皇朝
太平興國七年陞定國軍今縣六
澄城 朝邑 郃陽 白水 韓城 馮翊

後周河瀆廟碑

後周車騎大將軍王褒撰車騎大將軍趙文淵奉勅
書字為隸體初北齊天統十六年周文帝請立四瀆
廟於華山郡使郡守楊子昕營建武帝朝晉公護東
政廟在其封內又增修之而立此碑以天和二年十

月立

集古
錄目

隋興國寺碑

李德林文張孝徵書開皇四年

訪碑
錄

唐無量壽佛大像碑

不著書撰人名氏唐興國寺沙門道宗造無量壽佛
大像未成而卒其徒智常成之貞觀十年同州刺史

隴西郡王博又為立此碑

集古
錄目

唐三藏聖教序記

序唐太宗御製記高宗御製中書令褚遂良書永徽
四年刻在永興今此本序記同為一石字畫並同而
刻石在永興本後十年疑模本也龍朔三年六月立

集古
錄目

唐河瀆紀瑞頌

唐崔禹錫撰王崇敬分書先天元年立

金石錄

唐河侯新祠頌

唐奉崇撰王晏行書開元九年四月立碑云河伯姓

馮名夷字公子潼鄉華陰人也

金石錄

唐同州別駕崔禹傳

唐權倖撰黨撫八分書開元二十五年春

金石錄

唐洛祠志

行書無書撰人名氏天寶六年三月立

金石錄

唐鄭預注心經

正書無姓名天寶元年四月

金石錄

不著書人名氏疑預自書蓋開元天寶之間書體類此者數家如擣練石韓公井記洛祠志皆一體而皆不見名氏此經字體不減三記而注尤精勁

集古錄目

唐阿那寺碑

韓休撰僧闡秘書大歷二年立在澄城縣

訪碑錄

唐贈太常卿王仁忠碑

唐江夏太守李邕撰都水使者集賢殿學士史惟則
八分書仁忠字揖初太原人位至左千牛衛將軍永
泰中以子峯贈太常卿碑以大歷三亡其姓名仕後
魏至衛大將軍贈侍中司空碑以正光四年立

集古錄目

邑義一千人造像記

正光五年四月

金石錄

孟思文等造像碑

正光六年四月

金石錄

房雲淵等造像記

莊帝永安三年十月

金石錄

斛斯足碑

不著書撰人名字足字貸敦河南洛陽人仕後魏至

驃騎大將軍贈侍中司徒謚武昭碑以永熙二年立

集古錄目

御史臺雙塔頌

永熙二年

金石錄

大鴻臚卿鄭胤伯碑

無立石年月

金石錄

華州

漢序彰長斷碑

在華陰已斷裂惟存下一段故其姓名皆亡矣所可見者假除百石遷補任尉假印緩守廣平夏曲陽令

斥彰長熹平二年秋七月寢疾不豫最後題熹平六

年十月九日辛酉造

金石錄

斥彰長田君斷碑所存其下一段與趙氏所藏者同
文雖半亡遺字一一明白碑云其先高祖時以吏二
千石自齊臨淄徙關中祖興先為執金吾弟颺漁陽
太守孫布光武中興云云史記高祖徙貴族齊田氏
關中後漢傳朔方人田颺引兵至單于庭迎盧芳入
塞帝記建武七年盧芳所置朔方太守田颺舉城降

則斤彰蓋諸田之後碑云二年七月卒而缺其年名
未有立碑歲月始知物故在熹平年但斤彰非所終
之官趙氏強名姑仍其舊碑中字札嫵媚甚類華租
華山亭碑書之者好用奇字

隸續

漢樊毅西嶽華山亭碑

隸書不著書撰人名氏據碑漢光和元年弘農太守
河南河南樊毅字仲德初至郡親祠西嶽以其齋室
逼窄使縣令胸忍先謹繕治之明年正月己卯而就

立此碑

集古錄目

漢樊毅修西嶽廟復民賦碑

隸書不著名氏漢弘農太守樊毅上尚書表也毅使從事荀班華陰令先謙繕治嶽廟并復華下十里民田租口筭以其事表上光和二年也碑久堙沒唐興元元年華陰令盧倣求得而為之記八分書於碑末

在華嶽廟中

集古錄目

碑云光和二年十二月庚午朔十三日壬午弘農太

守臣毅頓首死罪上尚書臣以去元年十一月到官
其十二月奉祠西嶽華山省視廟舍及齋衣祭器率
皆久遠有垢臣以神嶽至尊宜加恭肅輒遣行事荀
班與華陰令先謹以漸繕治成就之又曰謹言縣當
孔道加奉尊嶽一歲四祠養牲百日或有請雨齋禱
役費兼倍小民不堪有饑寒之窘乞差諸賦復華下
十里以內民租田口臣輒聽盡力宣奉詔書思惟惠
利此碑粗完故錄其首尾臣毅者樊毅也

集古
錄目

樊毅乞復華下民租田口筭狀此碑全載光和二年
壬午奏牘別無他祠善毅到郡即遣官屬繕治廟宇
縣令以地當孔道一歲四祠有養牲之費調發之勞
故為華下十里之內希旬恩恤雖不同孔廟卒史碑
併載朝廷施行語案後碑云上奏復賦克厭帝心則
知已從其請矣碑後有唐興元中縣令盧倣題字云
碑在廟北隙地沒於荒榛時方徙之縣治云

隸釋

漢樊毅修華嶽碑

隸書不著書撰人名氏漢光和二年華陰太守樊毅修獄祠記也并唐貞元三年檢校太子庶子董叔經

等十五人題名附

集古錄目

華獄有樊毅之碑三華亭及華租碑皆云祠事在元年季冬華亭碑云繕治就緒在二年正月此碑叙始祠乃在二年十月與前碑不同前碑以午年季冬已齋祠至來春己卯一旬之內工役已就則所修者散齋外亭爾蓋是以次整治工役相繼至未年之冬

衆作咸畢十月之祠乃是次年再舉此云役不干時
而功已著蓋欲美其速成故不引午年之祭也

隸釋

漢散阮君神祠碑

漢隸不著書撰人名氏中條山有石堤樹谷當湧溢
為患故立散阮泄其水注之於涓自前漢時立廟以
祠之其後阮稍墮塞廟亦毀廢後漢鄭縣令裴華字君
光復浚阮立廟碑以光和四年六月立并縣丞夏龔

等題名者六十三人在鄭縣

集古錄目

慶歷中樞密直學士施昌言為陝西都轉運使為余
模此本云碑文已磨滅初不可辨以麵填其刻稍尋
其點畫命工鐫治之乃可讀漢碑今在者類多磨滅
不完故斯碑歷歷可見也惟裴華姓名為鄉人鑿去
矣散阮所以蓄泄水患光和中華為鄭縣令始修復
之事見水經及華州圖經散阮君祠今謂之五部神
廟其像有石堤西戍樹谷五樓先生東臺御史王翦
將軍皆莫曉其義

集古錄

歐陽公集古錄云穀阮君祠今謂之五部神廟其像
有石堤西戍樹谷五樓先生東臺御史王翦將軍莫
曉其義今此碑有云石堤樹谷為通商雒又云前世
通吏利民興貴有御史大夫將軍牧伯故為立祠以
報其功乃知石堤樹谷御史將軍之號自漢以來有
之流俗相傳其所從來遠矣而水經云鄭縣城南山
北有五部神廟前有碑光和四年鄭縣令河東裴
華字君先立又知五部神自齊魏間已有此號矣

金石

穀阮君神祠之碑銘篆額在鄭縣靈帝光和四年縣令裴華字君先立碑無縣令姓名据水經得之穀有二陵古稱地險蓋山阜高深雨盛水集有阮以儲之則可以疏泄既注而無溢溢之患自魏晉以來謂之五部神廟歐陽嘗託部使者模此碑命工以麵填其刻而鐫刻之始可讀云廟有石堤西戍樹谷五樓先生東臺御史王翦將軍之像莫可曉今碑云石堤樹

谷南通商維當是有石為堤有水為谷後人因以名其神碑云前世通吏利民興貴有御史大夫將軍牧伯故為立祠考其文意蓋謂前世阮不湮塞水泉通利地產人物有至御史將軍牧伯之貴者後人不考亦以名其神爾碑之末有題名六十六人云有秩長

安知其皆長安人也

隸釋

漢穀阮君神祠碑陰

碑陰題名三百四十二人其磨滅不可見者三十餘

字小而勁漢隸之神品也前碑之後曰有秩者六十餘人在碑之陰則無秩可知矣

隸釋

碑陰縣吏及鄉人題名其完好可識者二百餘人磨

滅者又百餘人小字淳勁可喜

金石錄

漢華嶽廟碑

在華陰漢鎮遠將軍段熲更修之碑黃門侍郎張昶書魏文帝與鍾繇各於碑陰刻二十字此碑垂名海

內

寰宇記

漢沛相楊君碑

漢故沛相楊君之碑篆額碑缺不知其名髣髴有富
波君字按楊震碑云長子牧富波侯相牧子統金城
太守沛相則知此為楊統碑也順帝以其忠臣之苗
特召為郎歷常山長史捷為府丞鮑陽侯相金城太
守車騎將軍從事議郎五官中郎將沛相以靈帝建

寧元年立故吏戴條等共立此碑

隸釋

漢沛相楊君碑陰

楊氏世葬閩鄉墓側皆有碑

闕

集錄皆得之乃太尉沛相高

闕

陰者不知為何人碑文字殘

闕

滅其一其在者十四人

集古錄目

楊統碑陰凡十五人不稱郡皆

闕

漢高陽令楊君碑

漢隸不著書撰人名氏首尾不完不見名字據碑嘗

為高陽令最後為善

缺

侯相而碑額但曰高陽令楊

君碑據楊震碑高陽令名著震孫也

集古錄目

首尾不完而文字尚可識云司隸從事定潁侯相最

後為善

缺

侯相蓋其中間嘗為高陽令而碑首不書

最後官者不詳其義也按楊震碑高陽令著震孫也

集古

錄

漢故高陽令楊君之碑篆額楊君名著太尉震之孫
常山相讓之子碑缺其名得之於震碑仕歷司隸從
事議郎高陽令思善侯相年五十三而卒石損立其

年

集古錄目

漢高陽令楊君碑陰

不著書人名氏碑首尾不完今可見者四十餘人各有所出錢數楊氏數世皆葬閭鄉此碑有稱後公門生者有稱沛君門生者不知何碑之陰也後公義不可知沛君所謂沛相者也

首尾不完今可見者四十餘人楊震子孫葬閭鄉者數世碑多殘缺此不知為何人碑陰其後有云右後

公門生又云右沛君門生沛君疑是沛相者自有碑而亡其名字矣後公亦不知為何人也

集古錄

歐陽公云余家集錄得楊震墓域中漢碑四震及沛相繁陽高陽令碑并得碑陰題名然得時參錯不知為何碑之陰也集公所有余盡得之又各以碑陰附於碑後其曰懷陵園令蔣禧字武仲者沛相碑陰也其曰故吏故民故功曹史故門下佐者繁陽令碑陰也其曰右後公門生右沛君門生者高陽令碑陰也

金石錄

楊著碑陰其間有沛君門生者沛相統也後公門生者太尉秉也楊震拜於前故以秉為後沛君者著之從兄後公者著之季父後公之薨其猶子繁陽君委榮而投紱高陽君以沛相之喪亦棄官而歸一門孝義如此宜其門人事之如一代石立表無彼此之分非皆著之門生也故不名

釋隸

漢繁陽令楊君碑

漢隸不著書撰人名氏殘缺不完不見其闕其可

見者曰富波君之小子據楊震碑富波相名牧震之

子也碑以熹平中立

集古錄

首尾不完文字磨滅可識者四百三十字不可識者

六十一字碑云君遭叔父太尉薨又云富波君之子

也按漢書楊震子牧為富波相君乃牧子也叔父太

尉者秉也惜其名字磨滅不可見矣

集古錄

漢故繁陽令楊君之碑銘篆額逸其名楊君者太尉

震之孫富波侯相牧之子太尉秉之猶子沛相統之
親昆弟高陽令著之從昆弟也自郎中除右都侯繁

陽令以靈帝熹平三年卒

隸釋

漢繁陽令楊君碑陰

隸書凡故吏故民處士等百有餘人

集古錄目

漢司徒劉奇碑

在華陰

諸道石刻錄

漢劉黨碑

在華陰墓下文字磨滅

諸道石刻錄

晉王猛碑

在華陰縣東八十里

寰宇記

後魏大代華嶽廟碑

不著撰人名氏後魏鎮西將軍略陽公侍郎劉玄明書大延中改立新廟以道士奉祠春秋報有大事

則告碑以大延五年五月立

集古錄目

後魏修華嶽廟碑

不著書撰人名氏後魏興光元年詔遣侍中遼西王

常英析曹尚書荀尚等重葺岳廟二年立此碑

集古錄目

後魏崔浩碑

興光二年

訪錄碑

後周華嶽廟碑

萬紐于瑾撰趙文淵書天和二年十月

金石錄

隋楊雄碑

不著撰人名氏書博士

姓名缺

書雄隋之踈屬官至司

徒封觀王謚曰德碑以大業九年立

集古錄目

唐靈仙寺碑

唐秦王府記室參軍薛收撰國子書學博士

缺鳳卿

書寺在西嶽沙門妙達所建碑以貞觀元年立

集古錄目

唐長明燈銘

唐鄭行寶撰顯慶二年二月八日建

復齋碑錄

唐渭南縣令李思古清德頌

唐直崇文館馬吉甫撰不著書人名氏李君名思古

渤海裔人為鴻州渭南令入拜右司員外郎縣人為

立清德碑以聖歷元年十月立

集古錄目

其首題云大周鴻州渭南縣按新唐書則天大授二

年析雍州之渭南慶山置鴻門縣遂以渭南慶山鴻

門高陵以置鴻州大足二年州廢矣

集古錄

唐沙州司馬楊榮碑

榮孫元表字伯儀纂韋同分書神龍二年三月建在

蒲城縣

復齋碑錄

唐衛州司馬楊恪碑

唐張柬之撰八分書姓名殘缺神龍二年歲次敦牂

三月建在蒲城縣

復齋碑錄

唐右武衛大將軍李思訓碑

思訓從子福州刺史李邕撰并書思訓字建景皇帝之後官至右武衛大將軍謚曰昭碑以開元八年立

在蒲城

集古錄目

唐涼國長公主碑

欽定四庫全書

寶刻叢編

五

唐蘇頲撰明皇八分書開元十二年八月立公主睿

宗女也

金石錄

唐西嶽大洞張尊師碑

唐王延齡撰李慈書尊師名敬宗字城華陰盟東里

人為西嶽靈臺官主碑以開元十四年四月立

集古錄目

慈之書體兼虞褚而道麗可喜然不知為何人以其書當時未必不見稱於世蓋唐人善書者多遂不得獨擅既又無他可稱遂至泯然於後世以余集錄之

博慈所書碑祇得此爾

集古錄

唐高祖駐馬佛堂碑

唐渭南縣興法寺僧貞慶撰并八分書高祖武德二年嘗幸渭南至大韓村其父老以為榮立佛像於其地謂之駐馬佛堂歲久碑記缺落開元十七年村人

韓祚等重建

集古錄目

唐華嶽真君碑

唐華陰丞陶翰撰韋騰書玄宗開元十九年加五嶽

神號曰真君初建祠宇立此碑

集古錄目

唐代國長公主碑

唐鄭萬鈞撰并行書開元二十二年十二月

金石錄

公主婚鄭萬鈞撰并書公主睿宗第四女也碑以開

元二十二年十二月立

金石錄

唐刺史楊瑒遺愛頌并陰

唐王暉撰史惟則八分書開元二十二年立碑陰記

史惟則八分書

金石錄

唐鄭虔禱華嶽文

開元二十三年四月二十三日

復齋
碑錄

唐華山石闕名

自唐開元二十三年鄭虔題名為首後二百一年至
後唐清泰二年戶部侍郎楊凝式而止其間無年月

時世者悉列於後總五百一人在華嶽廟中

集古
錄目

自唐開元二十三年訖後唐清泰二年實二百一年
題名者五百十一年人者題者又三十一人往往當時

知名士也或兄弟同遊或子姪並侍或僚屬將佐之
咸在或山人處士相携或奉使奔命有行役之勞或
窮高望遠極登臨之適其富貴貧賤歡樂憂悲非惟
人事百端而亦世變多故開元二十三年歲在丙子
是歲天子躬耕田肆大赦羣臣方頌太平請封禪蓋
有唐極盛之時也清泰二年歲在乙未廢帝篡立之
明年也是歲石敬瑭以太原及召契丹入自雁門廢
帝焚於洛陽而晉高祖入自太原五代極亂之時也

始終二百年間或亂或盛或衰而往者來者先者後者雖窮達壽夭參差不齊而斯五百人者卒歸於共盡也其姓名歲月風霜駁裂亦或在或亡其存者獨有千仞之山石爾故特錄其題刻每撫卷慨然何異

臨長川而歎逝者也

集古錄

唐左輔頓僚四嶽廟中刻石記

唐權僅撰李琚八分書開元二十四年十月

復巒碑錄

唐華嶽廟碑

唐玄宗御製御書

諸道石
刻錄

唐御製華嶽碑述聖頌

唐京兆府富城縣尉達奚珣撰序右補闕集賢殿學士呂向撰頌并書玄宗御製御書華嶽廟碑建於廟

中珣等遂作此頌以開元中立

集古
錄目

唐金仙長公主碑

唐徐嶠之撰明皇行書開元中立

金石
錄

唐鄖國長公主碑

唐張說撰明皇八分書開元中立

訪碑錄

唐韓賞祭華嶽文

唐右補闕韓賞撰諸王侍書榮王府司馬韓擇木八分書自陳其志以忘身憂國為己任以盟於神天寶

元年四月刻在華嶽

集古錄目

唐靈臺觀主張敬忠碑

唐何思遠撰郭懷漸書天寶六年正月立

金石錄

唐嶽廟古松詩

欽定四庫全書

寶刻叢編

二十五

唐韋元志撰右補闕賢院學士衛包古文篆天寶九

年立

集古
錄目

唐御書華嶽碑堂修飾記

唐衛包撰并正書天寶九年正月立

金石
錄

唐靈臺觀三方功德頌

唐右補闕內供奉集賢院修書衛包撰并書字為古

文據碑天寶中詔頌功德於華山雲臺宮並安御容

重飾金天王廟前御製碑而作此頌以天寶九年四

月立

集古
錄目

唐雲臺觀金錄齋頌

唐衛包撰并書字為古文玄宗自開元中每歲之千秋節設金錄齋於華嶽雲臺宮碑以天寶九年四月

立

集古
錄目

雖不著書人姓氏而字為古文實為包書也唐世華山碑刻為古文者皆包所書包以古文見稱當時甚盛蓋古文世俗罕通徒見其字書多奇而不知其筆

法非工也余以集錄所見三代以來古字尤多遂識

之爾

集古錄

唐修金天王廟靈畢述

唐衛包撰并正書天寶九年四月立

金石錄

唐顏魯公華嶽題名

唐顏魯公書以乾元元年為饒州刺史題於華嶽廟

集古錄目

唐渭南令路嗣恭遺愛表

唐考功郎中知制誥蘇源明撰不著書人名氏嗣恭
字嗣恭平陽人初名劔客開元中歷數縣令皆有能
名明皇以為可嗣漢魯恭故賜此名復歷渭南令至
朔方留後上元二年渭南為立此表在渭南

集古
錄目

唐贈揚州都督段寬神道碑

唐楊炎撰蕭正正書大歷四年十月

金石
錄

唐贈工部尚書王忠嗣碑

唐元載撰王縉行書大歷十年四月

金石
錄

唐華嶽精享昭應之碑

興元元年十二月立

諸道石
刻錄

唐節度李元諒懋功昭德頌

唐張濛撰韓秀弼八分李彛篆額貞元五年十月

金石

錄

唐冠軍將軍烏承玘碑

唐左散騎常侍河南尹許孟容撰魏博節度副使胡

証八分并篆額承玘字德潤張掖人官至右領軍使

冠軍將軍此碑不完纔有其半不見所立年月

集古錄目

唐烏承玘碑元和七年正月立

金石錄

唐刺史廳堂記

唐吳丹撰并正書元和八年二月

金石錄

唐刺史後閣記

唐李正辭撰正書元和八年二月

金石錄

唐少府監胡珣碑

唐潮州刺史韓愈撰左金吾衛大將軍胡証八分書

并篆額珣字潤溥貝州宗城人官至少府監碑以長

慶三年四月立在蒲城縣

集古錄目

唐司徒烏重胤碑

唐司徒平章事裴度撰山南東道節度使竇易直書

重胤字保君京兆人官至天平橫海等軍節度使司

平章事碑以太和二年四月立

集古錄目

唐沈傳師金天王廟題名

太和二年十月盧僊沈諭同謁

諸道石刻錄

唐賈竦謁華嶽廟詩

唐賈竦撰并書太和六年竦從子琬刻在華嶽

集古錄目

唐贈太尉白敏中碑

唐中書侍郎平章事畢誠撰中書舍人王鐸書敏中

字用晦太原人歷相宣宗懿宗以太傅致仕卒贈太

尉碑以咸通三年立在下邳

集古錄目

唐濟安侯廟記

唐李巨川撰柳懷素正書光化二年四月一日記

復齋

碑錄

唐李德讓碑

唐史惟則篆書

諸道石刻錄

唐令狐彰華山詩

唐史惟則八分書

訪碑錄

唐平淮將佐題名

唐馬總等題名

諸道石刻錄

唐使院石柱記

唐李商隱撰

諸道石刻錄

李靖上華嶽書

寶覺寺碑

興法寺碑

金臺觀碑

龍游宮碑

五碑並諸道石刻錄

耀州

春秋戰國屬秦秦屬內史項氏分屬塞國漢
初屬河上郡後屬左馮翊東漢及晉皆因之
元魏置北雍州西魏改為宣州及置北地郡
尋改為通州郡隋開皇初郡廢大業初州廢
屬京兆郡義寧二年置宜君郡唐武德四年
改曰宣州貞觀十七年州廢大授二年復置
宣州大足元年又廢天祐三年岐王李茂貞
墨制置耀州仍陞義勝軍節度梁末帝時茂
貞養子溫韜以州降梁梁改為崇州靜勝軍
後唐同光元年為耀州以為順義軍皇朝開
寶五年為感義軍太平興國元年改感德軍
今縣六 革原 富平 三原 同官
美原
淳化

唐太子少師寶良碑

唐于志寧撰王行滿書貞觀十二年立在三原

京北金石

錄

唐贈司徒河間元王孝恭碑

唐岑文本撰于立政正書貞觀十四年立在三原

金石

錄

唐潭州都督巢國勇公錢九隴碑

唐揚州都督密貞王元曉碑

二碑貞觀中立

京北金石

唐刑部尚書彭城襄王德誠碑

唐許敬宗撰李玄模書永徽二年立在三原

京兆金
石錄

唐左僕射張長遜碑

唐鈕孝孫撰劉損之書永徽五年立在富平

京兆金
石錄

唐越州都督于德芳碑

從弟志寧撰蘇季子分書麟德元年四月八日建在

三原

復齋
碑錄

唐于志寧神道碑

唐令狐德棻撰男立政書乾封元年十一月立

金石錄

唐淄川公李同碑

撰人姓名殘缺諸葛思楨正書咸亨元年五月

金石錄

唐贈司徒荊州都督道孝王元慶碑

唐贈司徒益州都督鄭惠王元懿碑

唐贈司徒并州都督江安王元祥碑

唐贈司徒真州都督滕王元嬰碑

唐太尉絳州刺史韓王元嘉碑

唐司徒貴州刺史霍王元軌碑

唐太子太師魯王元夔碑

唐贈司徒益州都督鄧康王元裕碑

唐贈司徒荊州都督彭思王元則碑

唐金州刺史鄴悼王元亨碑

唐贈荊州總管潭國襄公丘和碑

唐潭州都督吳興郡公沈叔安碑

唐左武衛大將軍樊興碑

唐賀蘭公碑

上十五碑在三原

京兆金石錄

唐國子司業于立政碑

撰人姓名殘缺陳遺八分書調露元年十二月

金石錄

國子司業于可封碑弟淑之撰調露元年

諸道石刻錄

唐美原神泉詩序

唐韋元旦撰篆書無姓名垂拱元年四月

金石錄

唐德表禪師碑

垂拱二年

諸道石
刻錄

周雍州明堂縣令于大猷碑

正書書撰人姓名殘缺聖歷三年十一月

金石錄

唐左衛威遠府折衝姚迥碑

在富平景龍二年立

京兆金石錄

唐清邊軍總管楊乾緒碑

唐富平主簿褚琇撰正字權瓌八分書乾緒字幼紹

雍州富平人官至宣威將軍右玉鈐衛幽州開福府

折衝都尉清邊軍總管致仕碑以先天元年十一月

立

集古
錄目

唐兗州都督于知微碑

唐姚崇撰正書無姓名開元七年六月三十建在三

原

復齋
碑錄

唐神德寺碑

八分書不著書撰人名氏神德寺故後魏之會同寺

也唐垂拱三年有司奏自華原之石門山徙於棧棚

城北魏龍華寺故基而立之碑以開元八年立

集古錄目

唐相州刺史寶忠仁碑

唐國子祭酒徐堅撰八分不著書人名氏忠仁字恕

扶風平陵人位至相州刺史碑以開元十年共立此

碑

隸釋

唐贈工部尚書臧懷恪碑

唐撫州刺史顏真卿撰并書懷恪字貞節東莞人官

至右武衛大將軍贈工部尚書碑以開元十二年立

在三原

集古錄目

唐左羽林大將軍臧懷亮碑

唐陳州刺史李邕撰并書懷亮字明時東莞莒人官

至左羽林大將軍碑以開元十九年立在三原

集古錄目

唐三原令乙速孤令從清政頌

唐梁陟撰陳載正書開元二十六年四月建

復齋碑錄

唐洪福寺彌勒石像碑

唐同官主簿韓滉撰并書集賢院學士衛包題額彌

欽定四庫全書

勒石像者長安中縣人趙貞等造寺僧圓證重修碑

以天寶五年立在全官

集古錄目

唐果毅都尉臧崇碑

天寶七年立

諸道石刻錄

唐美原夫子廟碑

唐行美原縣令王巖撰并書天寶中初尊夫子爵為

王碑以天寶八年立在美原

集古錄目

縣令王巖字山甫撰并書巖天寶時人字畫奇怪初

無筆法而老逸不羈時有可愛故不忍棄之蓋書流
之狂士也文字之學博自三代以來其體隨時變易
轉相祖習遂以名家亦烏有法耶至魏晉以後漸分
真草而羲獻父子為一時所尚後世言書者非此二
人則皆不為法其藝誠為精絕然謂必為法則初何
所據所謂天下孰知夫正法哉巖書固自放於怪逸

矣聊存之以備博覽

集古錄

唐神德寺彌勒閣碑

唐杜鰲撰馬順書彌勒閣者開元中沙門會覺所立
天寶十一載馮翊人張祥德重建碑以十二年立在

華原

集古錄

唐內府局丞劉琦碑

沙門惟一撰天寶十二載

諸道石刻錄

唐贈榮州刺史臧公碑

唐王齊問撰張頌行書天寶中立

諸道石刻錄

唐金輪寺僧為程元振建勳業碑

猶子若鎮撰寶應元年

諸道石刻錄

唐太尉李光弼碑

唐顏真卿撰張少悌書廣德二年十二月立在當平

金石

錄

唐臧氏糾宗碑

唐湖州刺史顏真卿撰并書臧氏東莞人自唐初靈州都督寵而下至京府參軍叔清族系名字官閥悉

載於碑不知所刻年月在三原

集古錄目

唐沛縣令于默成碑

李子休烈撰序劉單銘史惟則八分書大歷三年正

月金石錄

唐贈司空李楷碑

唐楊炎撰史惟則八分書并篆額大歷三年立諸道石刻

錄

唐左武衛中郎將臧希忱碑

唐韓擇木撰并書大歷四年立在三原金石錄

金石錄

唐贈揚州都督臧希晏碑

唐張孚撰韓秀弼八分書大歷五年立在三原

諸道
石刻

錄

唐陀羅尼經石柱

唐高沔等書大歷八年立

諸道石
刻錄

唐釋迦像記

唐滑州節度判官豆盧瑑撰不著書人名氏渭北節

度使臧

碑不
著名

修華原縣攝受寺立釋迦像

唐刑部尚書李光進碑

唐戶部尚書楊炎撰梁州司馬韓秀實八分書光進
字大應光弼之弟官至刑部尚書封武威郡王碑以

大歷十年立在富平

集古
錄目

唐監軍使贈開府第五昱碑

唐于邵撰史有盈行書建中元年

金石
錄

唐贈宋州刺史王仁敬神道碑

唐張旣撰張少悌正書興元二年

京兆金
石錄

唐贈太子太傅鄴侯李泌碑

貞元四年

京兆金
石錄

唐金輪寺碑

唐程獻可撰趙冬曦正書貞元五年

京兆金
石錄

唐贈戶部尚書符令奇碑

唐鄭叔規撰貞元八年立在富平

京兆金
石錄

唐贈工部尚書李彙誌

唐沈亞之撰南卓書貞元十八年立在華原

京兆金
石錄

唐劍州刺史贈太僕少卿李公碑

唐鄭雲達撰并書袁滋篆額貞元二十年立

諸道石刻錄

唐丞相王播碑

月六日

復齋碑錄

唐中書侍郎平章事李宗閔撰翰林學士承旨柳公權書播字明別太原人位至左僕射同平章事贈太

尉碑以太和四年正月立

集古錄目

唐太尉王播墓誌

唐牛僧孺撰柳公權正書太和四年四月立

金石錄

柳書名重天下當時大臣墓誌非其筆則人以子孫為不孝今世稱柳書小字必曰王播墓播以金錢附離致位宰相公權少其為人對延英發其傾邪關通狀矣而復為播書碑豈迫於內甥之情耶

集古錄

唐贈越州都督符璘碑

唐李宗閔撰柳公權書太和元年立

諸道石刻錄

唐柳尊師墓誌

唐翰林學士諫議大夫柳公權撰并書尊師處幽河
東虞鄉人公權弟也碑以開成二年立在華原

集古
錄目

唐贈太師王起神道碑

唐戶部尚書平章事李回撰太子少師柳公權書并
篆額起字舉之太原人位至山南西道節度使同中
書門下平章事贈太師碑以太中元年四月立在三

原

集古
錄目

脩甲伏樓記

劉知寶撰劉權書

諸道石刻錄

同官唱和詩

張紹庭碑

二碑諸道石刻錄

邠州

古邠國春秋戰國皆屬秦秦屬內史漢屬左扶風安定北地郡漢宋置新平郡兼屬安定晉因之西魏置邠州後周及隋皆因之煬帝初州廢屬安定北地郡義寧二年復置邠州唐開元十三年以字類幽改作邠馬天寶三年以為新平郡後陞為靜難軍節度今縣四

欽定四庫全書

寶刻叢編

四三

新平 宜祿
三水 永書

唐昭仁寺碑

唐諫議大夫朱子奢撰不著書人名氏及立石年月
唐太宗即位其生平戰伐之地皆立寺為戰死者祈

福昭仁寺者嘗破薛舉處也

集古錄

碑在幽州唐太宗與薛舉戰處也唐自起義與羣雄
戰處後皆建佛寺為戰亡士薦福碑文朱子奢撰而

不著書人名氏字畫甚工

集古錄

唐納職令王行碑

唐著作郎楊齊哲撰吏部常選南朝馮令一行字缺
訛不可辨太原人官至伊州納職縣碑以開元七年

五月

集古錄

唐邠寧節度馬璘德政碑

唐韓雲卿撰張少悌行書大歷三年四月

金石錄

唐汾陽王廟碑

唐中書舍人高參撰右威衛倉曹參軍張誼書邠寧

節度使韓游瓌請為子儀立廟於邠州碑以貞元二

年九月立

集古錄目

唐姜嫄公劉廟碑

唐高郢撰張誼行書貞元九年四月立

金石錄

唐五夫人堂記

唐邠寧節度使畢誠撰不著書人姓氏據記郭令公
五夫人堂以大厯五年初立然不知所謂五夫人者

為何神也大中九年刻

集古錄目

唐東廳記

唐盧宏茂撰李景初書

諸道石刻錄

唐邠寧節度使高霞遇德政碑

唐韋處厚撰王良容書

諸道石刻錄

解州

自唐以上地里與河中府同漢乾祐元年割河中之聞喜安邑解三縣置解州皇朝因之

今縣三聞喜解縣安邑

唐贈太尉裴行儉碑

唐右丞相張說撰裴灌書行儉字守約河東聞喜人官至禮部尚書金牙道大總管謚曰憲開元中追贈至太尉碑以開元十八年立在聞喜

集古錄目

唐贈太師裴光庭碑

唐中書令集賢院學士張九齡奉勅撰玄宗御書侍中裴耀卿題御書字兵部尚書全中書門下三品李林甫題額諫議大夫褚庭誨摹勒光庭字連城河東聞喜人官至侍中正平郡公贈太師謚忠獻以開元

廿四年十一月立在聞喜

集古錄目

唐代州都督薛仁貴碑

唐著作郎弘文館學士苗神客撰仁貴玄孫左領軍
衛兵曹參軍伯嶷書薛禮字仁貴河東汾陰人官至

明威將軍代州都督碑以天寶二年立在安邑

集古錄目

碑云公諱禮字仁貴河東汾陽人唐書列傳云仁貴
絳州龍門人又不云名禮余家集錄薛氏碑尤多據
仁貴子楚王碑亦云父仁貴爾仁貴為唐名將當時

甚顯著往往見於他書未嘗有云薛禮者仁貴本田家子奮身行陣其僅知姓名爾其曰名禮字仁貴者疑後世文士或其子孫為增之也仁貴卒於永淳中

碑以天寶中建

集古錄目

唐鹽池靈慶公神祠碑

唐崔放撰崔縱正書貞元十三年八月

金石錄

唐安邑縣新亭記

唐劉師老撰李銑正書元和元年閏六月

金石錄

唐立衛伯玉遺愛頌

伯玉裔孫唐陝虢觀察使次公撰河中節度使張弘靖書伯玉河東安邑人晉惠帝初以太保錄尚書事為楚王瑋所殺碑以元和六年立在安邑

集古錄目

唐鹽宗神祠記

唐太子右庶子支度安邑解縣兩池榷鹽使錢義方撰試左武衛兵曹參軍盛濤八分書鹽池神祠故名鹽宗其後又有靈慶祠而主吏不復親祠鹽宗祠宇

隳廢義方重營葺之立此記以大中十年立

集古錄目

號州

春秋時為號之南境號亡屬晉戰國時屬秦
魏二國秦平天下為三川郡漢為弘農郡東
漢及晉皆因之元魏置西弘農郡後周廢之
隋煬帝置弘農郡恭帝改為鳳林郡唐初置
昂州因昂湖為名投為號州今
縣三 號畧 虛氏 朱陽

唐張令鴈浮圖銘

唐張士貴撰正書無姓名永徽五年十一月立

金石錄

唐大興國寺舍利塼碑

唐相州刺史越王貞撰趙郡李君惠集王羲之書興國寺楊震學舍也隋文帝仁壽中以舍利分置天下諸寺此其一也碑以儀鳳四年三月立

集古錄目

唐蒙泉湯記

唐弘農太守趙冬曦撰天寶二年三月甲寅建

復齋碑錄

唐鑄軒轅鼎原銘

唐虢州刺史王顏控華州刺史袁滋籀書鑄鼎原者

軒轅黃帝鑄鼎之所碑以貞元十一年正月立

集古錄目

商州

春秋時屬晉戰國時屬秦為內史地漢屬弘農郡東漢屬京兆尹晉初為京兆南部後置上雒郡元魏因之西魏魚置洛州後周改為商州隋初廢郡大業初州廢復為上洛郡唐復為商州天寶元年曰上洛郡今縣五上洛 商洛 洛南 豐陽 上津

漢四皓神位刻石

四皓神位神胙几刻石四在惠帝陵傍驗其字畫蓋

東漢時書也

金石錄

圜公神坐角里先生神坐圜公神胙机綺里季神祚

机此四人者神坐及胙几當各有之今綺季角里尚
闕其一而黃公者未見傳者云數十年前商于農人

耕地得此

釋

四皓之目始見於法言及漢書王貢傳序相承讀之
曰園公曰綺里季曰夏黃公曰角里先生前賢未始
有異故王黃州元之在汝州有詩云未必項如樗里
子也應頭似夏黃公而畢文簡公常譏評之以謂不
當云夏黃公蓋杜子美詩云黃綺終辭漢謂之黃綺

則四皓之目宜曰園公曰綺里季夏曰黃公曰角里先生也僕初亦以為然蓋逸少有尚想黃綺帖陶淵明詩亦曰黃綺之南山又曰且當從黃綺皆所以為證然近歲商于耕夫得漢世石刻數種有云園公神坐綺里季神坐角里先生神坐又各有神胙机皆漢人隸書其號不應誤則與文簡公之說異矣當以石刻為正宜從舊目則前人所謂黃綺者特各取一字以目二人不必皆其首字也園公石刻園公乃

為園公蓋二字音文為近或拇讀傳寫之訛亦當以
園為是按顏師古匡繆正俗有園稱陳留風俗傳自
序云園公之後園公為秦博士避地南里漢祖聘之
不就惠太子即位以園公為司徒以是書證之園姓
愈曉然矣今尚有園姓者姓氏書多以園為園公之
後此又可證矣

三輔舊事云漢惠帝為四皓作碑於其所隱處此神

坐及胙几豈亦當時所立邪

並東觀
餘論

唐立漢烈仙四皓碑銘

撰人姓名缺吳嗣

缺

分書開元十

缺

復齋
碑錄

唐四皓舊隱圖畫文

唐渠韋年撰竇正書貞元十六年十月

金石
錄

唐四皓新廟記

唐蕭曾重建以李華四皓贊代銘韋行儉正書元和

八年辛丑歲李栖筠刻

復齋
碑錄

唐新修橋驛記

唐韋行儉撰柳汶正書元和八年立

復齋碑錄

唐商於驛路記

唐翰林學士承旨韋琛撰太子賓客柳公權書祕書

者校書郎李商隱篆額商州刺史呂公

碑不著名

移建州

之新驛碑以大中元年正月立

集古錄目

唐修武關驛記

無書撰人名

諸道石刻錄

寧州

秦屬北地郡漢屬北地上郡東漢屬北地安
定郡晉國之後沒於戎狄元魏獻文置華州
孝文改曰班州後為豳州西魏改為寧州後
周分置趙興郡隋改寧州曰豳州尋廢州而
改趙興郡為北地郡唐復為寧州天寶元年
曰彭原郡今縣四定安定平襄樂
真寧

隋定安縣官寺碑

開皇八年五月

金石錄

坊州

自隋以前地理與邠州同後周天和中和元皇
帝為敷州刺史於此地為馬坊武德二年分

鄜州置坊州因故馬坊為名天寶元年曰中部郡今縣二 中部 宜君

唐韋維善政篇

唐著作郎楊齊哲撰前洛川縣丞直翰林院 缺

庭誨書維字文紀京兆杜陵人為坊州刺史此

實紀德碑也以先天元年立 集古錄目

維先天中為坊州刺史齊哲所撰其實德政碑也特

異其名爾 集古錄

唐修秦文公廟記

唐前夏州等節度掌書記李伉撰并書篆額坊州之南有秦故廊時祠秦文公夢龍自天下屬於地立時以祠之世久相傳謂之衙龍神刺史崔駢改其廟像

以為文公祠開成五年立此碑

集古錄目

寶刻叢編卷十

欽定四庫全書

寶刻叢編卷十一

宋 陳思 撰

陝西秦鳳路

鳳翔府

唐鳳翔節度孫志直碑

唐禮部尚書裴士淹撰太子少保致仕韓擇木分書孫
公名志直字無撓河西姑臧人後於京兆嘗為鳳翔

尹隴右四鎮節度封晉昌王罷以本官奉朝請待制

集賢院議軍國

闕

先自營其墓而立此碑

無所刻年月

集古錄目

唐孫志直碑大歷中立

諸道石刻錄

唐夔州都督府長史顏勤禮碑

勤禮曾孫魯郡公真卿撰并書

闕

臨沂

入顯慶中終於夔州都

闕

立石年月

皆亡

集古錄目

元祐間有守長安者後圃建亭榭多輦取境內古石刻以為基趾此碑幾毀而存然已磨去其銘文可惜

也

金石錄

唐薛王友顏惟貞家廟碑

唐吏部尚書顏真卿撰并書集賢院學士李陽冰篆額真卿自叙家世銘於其父薛王友惟貞之廟碑以

建中元年七月立

集古錄目

唐穎國公史繼先墓誌

唐明州別駕徐浩撰并行書殷仲容書額建中元年

八月十二日

集古錄目

唐韋公妻漁陽郡夫人盧氏墓誌

姪盧荷撰姪盧幼章正書咸通三年

京兆金石錄

唐樞密院脩紫蘭亭記

唐路巖撰楊迪行書咸通三年

京兆金石錄

唐宣徽北院新啟功德堂記

并碑陰題名

僧靈澈撰張宗厚正書咸通九年

京兆金石錄

唐沈公夫人馮氏墓誌

唐前天下軍節度副使羅洙撰前左威衛兵曹參軍
李昌辭書夫人姓馮氏名靖冀州長樂人適吏部侍
郎沈傳師又以其子詢故封至齊國太夫人碑以咸

通九年立

集古
錄目

唐明佛法根本碑

僧智慧輪撰僧紹明正書并篆額咸通十年立

諸道
石刻

錄

唐兵部尚書王承業墓誌

唐鄭言撰柳仲年正書咸通十年二月

金石錄

唐師子院鐘銘

唐韋蟾撰張宗厚書咸通十一年

金石錄

唐千佛寺無相法師護珠塔記

僧靈澈撰毛知微書咸通十二年

京兆金石錄

唐定水寺幡竿記

咸通十四年

京兆金石錄

唐安國寺鐘銘

韋蟾撰張宗厚正書咸通十四年

諸道石刻錄

唐贈尚書右僕射曹汾墓誌

李郁撰咸通十五年

京兆金石刻

唐佛頂尊勝陀羅尼咒

魯讓建正書乾符六年

京兆金石錄

唐供奉官掖庭令李允存墓誌

從姪應坤撰闕從勳正書光化四年

京兆金石錄

唐寄邊衣等詩

唐裴說撰僧彥脩草書光化四年

京兆金石錄

唐淨住寺釋迦文賢叔千佛像記

唐崔行功篆隸書無年月

京兆金石錄

唐渭北節度咸布讓碑

唐元載撰張璪分書

訪碑錄

唐定水院鐘銘

唐毋奭撰

諸道石刻錄

唐華州刺史裴乾立碑

唐馬曙撰并書

訪碑錄

唐崇元觀聖祖院記

唐賈餗撰徐挺古分書

訪碑錄

唐渭南令成克雋碑

唐馬幹撰

訪碑錄

夢瑛說文字源

僧夢瑛篆書目錄偏傍字源兼自叙郭忠恕答書

復齋

碑錄

夢瑛十八體書

僧夢瑛書真字表允中書

復齋碑錄

陰符經

皇朝郭忠恕小篆古文八分三體書乾德中刻

集古錄目

篆法自唐李陽冰後未有臻于斯者近時頗有學者
尚未得其髣髴也寶錄言忠恕死時甚怪斯亦異人

乎其楷書尤精

集古錄

日本國誥

其本在揚州太守李括家元祐三年游師雄刻於長

安漕臺

諸道石
刻錄

碑云康保五年日本在東海自漢以來見於史然與
中國不常通宋莒公紀年通譜載其國年號九而獨
無康保其後畢仲荀見此誥錄於通譜之末然不知

康保是中國何年也

金石錄

寶刻叢編卷十一

欽定四庫全書

寶刻叢編卷十二

宋 陳思 撰

淮南東路

海州

朐山有秦始皇碑云漢東海相任恭脩祠刻於碑陰
似是此也任君當又在滿君之後南陽之役更十八
年後人猶頌其美則規模決非苟然者予官京口日

將士往來胸山者云海廟一椽不存自今非四十年
前舊物不復見此刻矣歐趙公時天下一家漢碑雖
在遐陬窮谷無脛而可至集古錄中已屢言難得為

可寶况今乎

隸釋

唐大雲寺碑

唐海州刺史李邕撰并書寺舊謂之確師禪房僧慧
藏增葺之碑以開元十二年四月立

集古錄目

初武后時有僧上大雲經陳述符命遂令天下立大

雲寺至開元二十六年詔改為開元寺此碑十一年


建故猶稱大雲也

金石錄

唐孔子老子顏子贊

唐睿宗撰李邕行書開元十一年十二月立

金石錄



寶刻叢編卷十二

欽定四庫全書

史部

寶刻叢編卷十三

詳校官編修臣潘庭筠

編修臣程嘉謨覆勘

總校官編修臣王燕緒

校對官主事臣陳墉

騰對監生臣王志遠

欽定四庫全書

寶刻叢編卷十三

宋 陳思 撰

兩浙東路

越州

大都督紹興府春秋為越國之都秦屬會稽郡漢因之東漢置會稽郡乃自吳縣徙治山陰晉宋齊梁陳皆因之宋兼置東揚州尋廢梁復置東揚州隋平陳郡廢改州曰吳州大業初置越州尋廢置會稽郡陞為鎮東軍皇朝因之統縣八會稽 山陰 嵊縣 諸

雙餘姚 上虞

蕭山 新昌

秦會稽山刻石

史記秦始皇本紀云上會稽祭大雨望於南海而立
石刻頌秦德越絕書云始皇以三十七年東遊會稽
以正月甲戌到越留舍都亭取錢塘浙江岑石石長
四尺南北面廣六尺西南廣尺六寸刻文立於越東
山上其道九曲去越二十一里水經云秦始皇登稽
山刻石記功尚在山側孫暢之述征記云丞相李斯

所篆也梁書竟陵王子良為會稽太守范雲為主簿
雲以山上有始皇刻石三句一韻多作兩句讀之並
不得韻又其字皆大篆人多不詳雲夜取史記讀之
明日登山讀之如流張守節云會稽山刻李斯書其
字四寸畫如小指圓鐫今文字整頓是小篆字予嘗
上會稽東山自秦望之山巔並黃茅無樹木其山側
有三石筍中有水一泓別無他石石筍並無字復自
小徑別至一山俗名鵝鼻山山頂有石如屋大中間

插一碑於其中文皆為風雨所剝隱約就碑可見缺
畫如禹廟沒字碑之類不知此果岑石歟非始皇之
力不能插於石中此山絕險罕有至者得一採藥者
引之至耳非為碑也或云大篆或云小篆皆不可考

姚寬

叢語

禹廟窆石銘

漢窆石銘永建元年五月

金石錄

禹廟窆石遺字直寶文閣王順伯

復齋金石錄

定為漢刻舊經云禹葬於會稽取此石為窆

會稽志

漢曹娥孝女碑

漢度尚所立邯鄲淳文

諸道石刻錄

在會稽縣東南二十七里按後漢書云元嘉元年縣
長度尚改葬娥為立碑會稽典錄云尚弟子邯鄲淳
字子禮時甫弱冠而有異才尚先使魏朗作曹娥碑
文成未出會朗見尚尚與之飲宴而子禮方下督酒
尚問朗碑文成朗辭不才因試使子禮為之操筆而

成無所點定朗嗟嘆不暇遂毀其草其後蔡邕又題八字曰黃絹幼婦外孫壻白其碑歲久字多訛缺至

景德中重立

會稽志

漢石經遺字

在州治蓬萊閣

諸道石刻錄

晉黃庭經

凡三本無書人名氏前二本大約相類題云永和十二年山陰縣寫石在越州後一本其後不完不知石

所在

集古
目錄

齊桐栢山金庭館碑

南齊征虜將軍南清太守司徒左長史揚州行事沈
約造揚州刺史驃騎記室倪珪之書據記稱永泰中
定居桐栢嶺因地名建館曰金庭宮命置道士十人
而已為之首蓋道士自叙之言非約所撰其謂造之
者疑如後世所立碑之類爾碑以永元三年立
在剡縣東南七十二里本觀內齊永元三年正月七

集古
錄目

日立

訪碑錄

隋禹廟碑

隋史陵正書大業二年五月立其文字磨滅十五六

而其末隱隱可辨云會稽郡

關

史陵書筆法精妙

不減歐虞接張懷瓘書斷云褚遂良嘗師史陵蓋當時名筆也今此碑磨滅而僅存世之藏書者皆未嘗

有非余收錄之富則遂不復見於世矣

金石錄

唐虞世南碑

貞觀二年閏二月五日立在會稽縣南二十里

訪碑錄

唐龍泉寺碑

唐虞世南撰布衣董彝書沙門好直篆額大周天授

二年立太和六年再建在餘姚

諸道石刻錄

周密州司馬康遂成墓誌

行書不著書撰人名氏君諱遂成字筠會稽山陰人
仕至密州司馬長壽二年四月二十日卒以三年正月
二十四日與夫人柳氏同歸窆於離渚山之舊塋

新
增

唐賀知章二告

一延和元年八月

一開元四年八月政和辛卯摹勒上石

復齋
碑錄

唐龍瑞宮記

唐賀知章撰并正書開元二年立

諸道石
刻錄

唐高行先生徐師道碑

唐姚奕撰序賀知章銘子嶠之書開元十一年四月

立金石錄

唐香嚴寺碑

唐銀青光祿大夫康希銑撰趙州刺史東海徐嶠之書香嚴寺者本梁賈思舊宅其妻捨充梵宇舊名同

惠神龍中請而著焉碑以開元十一年六月立

新
增

唐秦望山法華寺碑

唐李邕撰并行書開元二十二年十二月

金石
錄

唐康公夫人許氏墓誌

唐王壽撰褚庭誨正書天寶五年五月二十五日立

復齋

碑錄

唐宇文顥山陰述

唐竇公衡撰杜陵史懷則分書并篆額天寶十三載

甲午夏四月立在山陰

復齋
碑錄

懷則與惟則同時必其兄弟也惟則以八分著名懷則之書蓋不減惟則而初不見稱當時者豈非其位不顯乎以此知士負其藝能或以垂名於不朽或遂

湮沒而無聞者蓋亦有幸有不幸也若懷則之書非

見錄於余則遂泯沒於後矣

金石錄

唐法華寺玄儼律師碑

唐前祕書省正字萬齊融撰武部郎中徐浩書律師
姓徐氏諸暨人居越州法華寺碑以天寶十五年六

月立

集古錄目

唐休光寺法真師行業贊

唐王燧撰洪元睿集王羲之行書天寶十五年立在

餘姚

諸道石
刻錄

唐龍泉寺常住田碑

唐萬齊融撰范的書

諸道石
刻錄

唐徐浩先瑩題記

唐徐浩正書大厯九年十月

唐題寶林寺詩

唐會稽公徐浩撰并書

集古
錄目

唐謁禹廟詩

唐徐浩撰并書

訪碑
錄

唐台州刺史康希銑碑

唐顏真卿撰并書大厯十二年立在離渚官遣匠摹

本為村民擊碎

諸道石
刻錄

唐南鎮會稽山神永興公祠堂碣

唐試左衛威兵曹參軍羊士諤撰試太子正字韓杼

材書韓芳明篆額唐封會稽山神為永興公貞元年

奉詔禱祠作此銘無刻石年月

唐嘉祥寺大覺禪師影堂記

唐崔元翰羊士諤書貞元九年

諸道石刻錄

唐復禹廟冠冕記

唐崔及撰馬積正書元和三年十月立在城東禹廟

內

諸道石刻錄

唐禹廟詩

唐浙東觀察使越州刺史薛萃詩不著書人名氏萃初至鎮易禹廟金紫服以冠冕後因祈雨作此詩其

和者鹽鐵轉運崔述等凡十七首

集古錄目

唐杭州司士盧君第二女墓表

唐林賈詞元和六年秋八月庚寅立

復齋碑錄

唐建南鎮碣記

唐孟簡撰陳構正書元和十年十月

金石錄

唐孔子弟子贊

唐明皇源乾曜盧從愿李杭元行冲張嘉貞宋璟陸

餘慶姚元崇蘇頲裴灌撰正書無名氏篆額元和十

年十二月刺史孟簡立在州學

復齋碑錄

唐庾肩吾孟簡經禹廟詩

唐庾肩吾孟簡撰謝楚行書元和十一年八月

復齋碑錄

唐禹穴碑

唐鄭鮪序元積銘韓杼材書寶歷二年九月立

金石錄

唐春分投簡陽明洞天并繼作

唐元威明白居易撰王璿分書劉蔚篆額太和三年

正月十五日立在龍瑞宮

復齋碑錄

唐杜羲墓誌

沙門闕義述太和三年四月二十四日葬

復齋
碑錄

唐寧賁禪師塔銘

唐沈的撰并行書沙門潭鏡八分書額太和六年九

月立在山陰縣界昭福寺

復齋
碑錄

唐大龍興寺惠崇大師碑

釋好直述門人宗易行書太和五年十月十五日建

在餘姚

復齋
碑錄

唐法華寺詩

唐越州刺史李紳撰徐浩書太和八年刻

集古錄目

唐李紳撰後自序題云太和甲寅歲遊寺刻詩於壁
詳自序所言似紳自書然以端州題名較之字體殊

不類

集古錄

唐修龍宮寺碑

唐李紳行書無姓名太和九年四月立

唐王士倫墓誌

大和九年終於暨陽

諸道石刻錄

唐修阿羅漢塔記

沙門知白述王辭正書開成二年九月八日立於餘

姚

復齋碑錄

唐越州都督府戶曹參軍齊君墓誌

樂安蔣璟撰無書人姓名開成三年正月終四月窆

於會稽玉笥山之南原

復齋碑錄

唐開元觀夏尊師墓誌

唐何得一述正書無姓名會昌元年二月十九日卜

宮於陶朱峰在諸暨

復齋
碑錄

唐尊勝經幢

唐奚獎行書會昌元年六月

復齋
碑錄

唐五大夫市新橋記

唐周援書會昌三年月屬無射二十有九日建在會

稽虞江之東

唐賜李褒改大中禹迹寺勅

大中年刻

復齋
碑錄

唐戒珠寺記

唐衢州刺史趙璘撰貝靈該八分寺以會昌中被廢

宣宗初復立碑以咸通元年正月立

集古
錄目

唐大慶寺衆尼彌田記

唐裴澹述王隨正書并額咸通三年十月二十七日

立

唐平察微墓誌

咸通三年八月立於陶朱鄉赤山之崗

諸道石
刻錄

唐瑯琊王子琚墓誌

唐李修撰陳邨行書咸通三年十一月二十日在上

虞復齋
碑錄

唐彭城劉府君墓誌

唐楊珪撰咸通十年在諸暨

唐大慶寺復寺記

唐貝靈該八分書并篆咸通十一年二月二十日

復齋

碑錄

唐魏綯府君墓誌

刻
唐陳子蘊撰正書無姓名咸通十一年十一月一日

唐尊勝經幢

唐王銅書并鵠字咸通十三年八月間人銖等造在

戒珠寺

復齋
碑錄

唐尊勝經幢

唐王修已書咸通十五年

復齋
碑錄

唐尊勝經幢

唐陳靈欣書咸通十五年

復齋
碑錄

唐浙東都團練董翊墓誌

唐魯郡祝知微撰正書無姓名翊字正臣乾符四年

終在山陰

唐平陽霍夫人李氏墓誌

乾符六年

復齋
碑錄

唐滕夫人墓誌

廣明元年

復齋
碑錄

唐侯官令魏公墓誌

袁

闕

述中和元年

復齋
碑錄

唐立晉王右軍祠堂記

從十一代孫師乾撰無書人名氏在城內戒珠寺

諸道

石刻
錄

雲門寺畫華嚴經變讚

馬鴻賓纂田琦分書

復齋碑錄

石氏所刻歷代名帖

周穆王吉日癸巳

蔡邕石經遺字

鍾繇力命表

鍾繇墓田丙舍帖

王右軍蘭亭記

黃庭經遺字
東方先生畫像贊

海宇樂毅論

晉賢書曹娥碑

獻之十三行洛神賦

歐陽詢書心經

集正書筆陣圖

褚遂良小字陰符經

玉枕尊勝咒

褚遂良度人經

褚遂良草陰符經

顏魯公寒食帖

虞世南破邪論序

顏魯公祭伯父文

顏魯公論坐位帖

顏魯公馬伏波帖

顏魯公祭姪文

柳公權清淨經

顏魯公鹿脯帖

柳公權消災經

柳公權泥甚帖

白樂天詩簡

祕閣續帖十卷
蘭亭續帖六卷

在州學

婺州

春秋戰國皆屬越秦屬會稽郡二漢因之吳
孫皓分置東陽郡晉宋齊因之梁置金華郡
陳因之隋平陳郡廢置婺州以當天文婺女
之分為名大義初州廢復置東陽郡唐武德
四年置婺州天寶元年曰東陽郡石晉陞武
勝軍節度皇朝淳化元年改寶寧軍今縣七
金華 東陽 義烏 蘭溪
永康 武義 浦江

梁智者法師碑

梁太子綱撰天監中武帝執弟子禮大同光中歸寂

諸道石

刻錄

陳善慧大士碑

陳侍中尚書左僕射領大著作徐陵撰陳大建五太
歲癸巳七月五日書吳興吳文純刻字碑陰紀大士

問答語并題眷屬檀越弟子名

復齋
碑錄

陳善知闍黎碑

陳侍中金紫光祿大夫王闕撰大建五年立

諸道石刻錄

陳惠集法師碑

陳大建六年尚書左僕射領國子祭酒豫州大中正

周弘正撰

諸道石刻錄

唐赤松巖字碑

唐進士劉處仁撰垂拱四年六月立

諸道石刻錄

唐寶巖院千歲和尚碑

僧宗一撰開元二年四月立

諸道石刻錄

唐張長史千文

乾元二年

復齋
碑錄

唐涼泉寺碑

僧法珪撰蔣巒行書大曆十年三月八日

唐東陽令戴叔倫去思頌

唐陸長源撰李秋實八分書興元二年五月二十八

日建在本縣學

復齋
碑錄

唐溫州安固令王懷瓚墓誌

正書無書撰人姓名貞元十三年十一月甲申寔於

郡城

復齋
碑錄

唐靈隱寺東峰新亭記

唐馮宿撰釋乾覺正書貞元十七年十一月七日已

丑建在蘭溪

復齋
碑錄

唐普安院左溪大師碑銘

唐檢校吏部員外郎李華撰孫承釗毛如浦等行書

篆額太和九年十二月二十五日立在浦江

復齋
碑錄

唐法華寺碑

唐鄭路撰陳修古正書并篆額會昌二年正月立在

東陽

復齋
碑錄

唐法隆寺經幢

大中十一年立

諸道石
刻錄

唐盧府君廟記

大中十一年立

諸道石
刻錄

病轉輪經藏記

刺史裴翻撰咸通八年立

諸道石
刻錄

太平寺尊勝經幢

唐何重瓌書咸通六年五月立

諸道石
刻錄

唐俱胝院石幢記

唐陳孝恭撰咸通十年八月立

諸道石
刻錄

唐崇建寺重雲大師真身記

唐進士李彖撰李衢篆額乾符三年立

復齋
碑錄

唐武威侯廟記

唐進士唐巖撰廣明元年二月立

諸道石
刻錄

唐再建大廳記

唐前福州觀察支使沈光撰廣明二年十月立

諸道
石刻

錄

唐還珠記

唐浙東觀察使元積撰

諸道石
刻錄

唐聖壽寺碑

唐拾遺綦母潛撰

諸道石
刻錄

唐和安寺碑

唐明州鄞縣尉郡朗撰

諸道石
刻錄

唐西安寺碑

唐右庶子致仕滕白撰

諸道石
刻錄

後唐鶴巖院記

清泰三年七月立在金華

諸道石
刻錄

晉樂安院記

僧慧月撰僧紹清正書晉天福八年十一月十八日

錄定四庫全書

卷十三

立在蘭溪

復齋碑錄

晉興法院記

開運三年七月立

諸道石刻錄

漢靈應鐘銘

乾祐五年

諸道石刻錄

周明昭院禪主和尚壽塔記

大理評事章仁安撰廣順三年六月立在武義

諸道石刻

錄

周普濟院記

張廷拱撰顯德三年立在義烏今亡

諸道石刻錄

周永寧院記

進士張安世撰顯德四年四月立在蘭溪

諸道石刻錄

明州

秦屬會稽郡漢已降因之唐開元二十六年
採訪使者齊澣奏以越之鄞縣置以境有四
明山為名天寶元年曰餘姚郡朱梁陞為望
海軍節度皇朝建隆二年改秦國軍今縣六

鄞縣

秦化

慈溪

定海

象山

昌國

唐小字道德經

唐明皇注八分書不著名氏開元二十七年立

集古錄目

小字八分書不著書人名氏或云石在明州今亡矣

字畫精妙見者多疑為明皇書而知非者以其首但

題御注而不云御書也碑以開元二十七年立

集古錄

唐聖主興明故魯先聖文宣王頌

唐李處祐撰并書王延璩鐫并篆額天寶九年九月

七日立

復齋碑錄

唐刺史裴傲紀德碣

唐越州刺史浙江東西節度副使王密撰集賢院士

李陽冰篆裴公名傲代宗時為明州刺史歲滿罷去

州人為之立碑不著刻石年月

集古
錄目

唐王密撰李陽冰篆并古文額大曆八年立建炎中

焚毀今有重刊本

復齋
碑錄

唐刺史裴傲紀德碣

唐王密撰分書姓名殘缺

復齋
碑錄

唐董黯孝子碣

唐明州刺史左殷撰前吏部侍郎集賢院學士徐浩書孝子後漢人名黯字叔達句章人也和帝時殺其鄉人以報親讐召拜郎中不受大厯中殷為刺史葺其祠宇以大厯十二年二月立此碑

集古錄目

唐刺史王密德政碑

唐浙東觀察判官李舟撰太子少師顏真卿書國子監丞李陽冰篆額王公名密德宗初自明州移為湖

州刺史州人潘瀾阮津等謹立遺愛碑以建中二年

十月立并勅書同刻勅徐浩所書也

集古
錄目

唐文宣王廟碑

唐前侍御史裴

闕

八分書篆額貞元四年正月旬有

一日建

復齋
碑錄

唐南樓詩

唐陳右撰胡師模八分書元和二年十二月立

金石
錄

唐天童巖寺太白禪師塔銘

唐范的撰并書元和乙未建

復齋
碑錄

唐移州城記

唐韓杼材撰韓泉正書并篆額長慶二年歲次壬寅

立

復齋
碑錄

唐天童巖寺碣

唐范的撰并書篆額長慶三年仲春

復齋
碑錄

唐清泉寺大藏經記

唐韓杼材撰并行書劉蔚篆額太和二年九月立

金石

錄

唐新修文宣王廟記

唐鄭楚南撰令狐驥正書篆額大和六年二月十五

日立

復齋
碑錄

唐封孔子為文宣王冊

唐玄宗御製行書無名大和七年七月十九日明州

刺史于季友建

復齋
碑錄

唐阿育王寺常住田記

唐萬齊融撰范的行書太和七年十二月刺史于季

友重立元碑乃徐嶠之書

復齋碑錄

唐大梅山常祖師還源碑

唐江積撰并正書開成五年七月

諸道石刻錄

唐蓬萊觀碑

唐孫謙卿撰貝靈該分書正方外篆額大中二年六

月十九日建在象山

諸道石刻錄

唐重置開元寺碑

唐陶祥撰劇歷之分書并篆額大中八年七月立

復齊

碑錄

鮑君廟記

楊倫書

諸道石刻錄

溫州

春秋屬越秦二漢屬會稽郡吳屬臨海郡晉
明帝置永嘉郡宋齊梁陳因之隋平陳郡廢
屬處州大業初屬永嘉郡唐武德五年置東
嘉州貞觀元年州廢屬括州上元二年置溫
州天寶元年曰永嘉郡石晉陞靜海軍節度
皇朝太平興國二年降軍事今縣四
永嘉

安樂清

唐海濤志

唐竇叔蒙撰其書六篇一曰海濤志二曰濤厯三曰濤日時四曰濤期五曰朔望體象六月春秋仲月漲濤解余向在陽州得此志甚愛之張於座右之壁冀於朝夕見也已而衣為風雨所壞其後求之凡十五年而復得期本以示京師好事者皆云未嘗見也

古集

錄

海濤志濤歷濤期朔望體象春秋仲月漲濤解凡六
篇唐竇叔蒙撰其說以月朏朏候濤汝之進退并竇
氏濤日時疏一篇越州刺史孟簡撰皆陶愆書朱巨

題額不著刻石年月

集古
錄目

唐仙巖瀑布詩

路應等唱和行書貞元七年三月

金石
錄

唐置玉清觀制

乾寧四年

諸道石
刻錄

台州

春秋戰國屬越秦屬會稽郡二漢因之吳置
臨海郡晉宋齊梁陳因之隋平陳郡廢屬處
州後屬永嘉郡唐武德四年置海州五年改
為台州天寶元年曰臨海郡皇朝因之今縣
五 臨海 黃巖 寧
海 天台 仙居

唐普濟寺碑

唐許敬宗撰

訪碑錄

唐台州司馬韓公素真贊

天台峰白雲撰并書先天元年刻

諸道刻錄

唐玄宗眞容應見制

開元二十九年六月一日下詔臨海太守賈長源刻

輔崇儀八分書

復齋
碑錄

唐桐栢觀碑

唐桐部郎中崔尚撰翰林院學士慶王府屬韓擇木
八分書天台山有廢道宮相傳以為晉葛玄所居唐
景雲初詔建為桐栢宮道士司馬子微營而成之碑

以天寶元年三月立

集古
錄目

唐宋德遇墓誌

唐金濟時撰正書無名元和三年

諸道石刻錄石

唐天台佛隴禪林寺記

唐陳讓撰徐放書元和六年五月立在天台

復齋碑錄

唐智者大師修禪道場碑

唐梁肅撰徐放書陳修古篆額元和六年立在天台

復齋碑錄

唐柳泌王清行

隱居台州刺史柳泌述并書元和十四年歲在己亥

九月十五日建在天台

復齋
碑錄

唐柳泌題瓊臺詩

總仙刺史柳泌無年月正書磨崖天台

復齋
碑錄

唐白郎巖記

唐王闕撰何歸儒分書篆額寶曆元年閏七月八日

建

復齋
碑錄

唐修桐栢宮碑

唐浙東團練觀察使越州刺史元稹撰并書台州刺史顏顥篆額桐栢宮以景雲中建道士徐靈府等重

葺碑以太和四年四月立

集古錄目

唐天台禪林寺智者大師畫像贊

唐顏真卿撰姪顏顥正書男汝玉篆額太和四年冬

季月建

復齋碑錄

唐智者大師畫像贊

唐顏真卿撰沙門行昉八分書

諸道石刻錄

唐佛窟大師碑

唐韓

闕

撰張抱元正書大和六年

諸道石
刻錄

唐長生田記

唐顏顥撰何歸儒書并篆額

諸道石
刻錄

唐赤城山中巖寺碑

沙門神邕撰牛僧孺書開成元年

復齋
碑錄

唐蒼山廟記

唐宋誠撰分書無姓名篆額會昌六年十月記

復齋
碑錄

唐國清寺額

唐柳公權書大中七年八月八日僧澄觀乞額狀及

柳公權批荅

諸道士
刻錄石

唐天台導元院記

唐張仁穎撰道士葉瓊秀書道士葉孤雲分書額文

德元年十一月立

復齋
碑錄

漢重修法空大師塔亭碑

臣彙征奉制撰臣程延翰奉制書乾祐三年九月六

日庚午建

復齊
碑錄

處州

春秋戰國屬越秦屬會稽郡二漢因之吳置
臨海郡晉屬永嘉郡宋以後因之隋開皇九
年平陳置處州十二年改為括州大業初州
廢置永嘉郡唐武德四年避德宗名改為處
州皇朝因之今縣六龍泉松陽
麗水遂昌縉雲青由

宋石門頌

太宗元嘉十有九年歲在壬午刊而記之在青田縣

界

復齊
碑錄

唐有道先生華國重碑

唐松陽令李邕撰并書國重道術之士字雅鎮南陽

葉縣人碑以開元五年三月立

集古
錄目

余集古所錄李邕書頗多最後得此碑於蔡君謨君
謨善論書為余言邕之所書此最為佳也

集古
錄

李邕既為撰碑而難於書法善追其魂而書之世號
追魂碑其間用字多差誤是時夜艾鐘鳴李公書未
畢而覺碑因存而不易續以碑示邕邕笑曰初以為

夢今果然耶

葉法善傳

追魂碑紹興十四年大雷碎其石

諸道石
刻錄

唐贈欽州刺史葉慧明碑

唐松陽令李邕撰國子監太學生韓擇木八分書慧明字道昭南陽人隱居學道玄宗時子法善以道術顯為鴻臚卿追贈慧明欽州刺史碑以開元五年七

月立

集古錄目

唐史隱山記

唐李陽冰篆在縉雲

復齋
碑錄

唐李陽冰殘碑凡數百字雖首尾不完文字缺減而
歷歷可讀其間多述山水景物其最後曰名之曰吏
隱山又曰時唐百二十九載以歲次推之則天寶五

載也

集古
錄目

唐淳和觀鐘銘

唐郭階撰郭陽正書乾元二年正月十五日建

復齋
碑錄

唐城隍廟記

唐縉雲令李陽冰撰并篆書陽冰禱廟而雨因移建

於山上碑以乾元二年八月立在縉雲縣

集古錄目

陽冰為縉雲令遭旱禱雨約以七日不雨將焚其祠
既而雨遂徙廟於西山陽冰所記云城隍神祀典無
之吳越有爾然今非止吳越天下皆有而縣則少也

集古錄

唐重修文宣王廟記

唐縉雲令李陽冰撰并篆陽冰為縉雲令重修孔子

廟像碑以上元二年七月刻在縉雲縣

集古錄目

唐忘歸臺銘

無刻石年月在縉雲縣

集古錄目

唐李陽冰撰并書此銘及孔子廟城隍神記三碑並

在縉雲其篆刻比陽冰平生所篆最細瘦世言此三

石皆活歲久漸生刻處幾合故細爾然時有數字筆

畫特偉勁者乃真蹟也

集古錄

集古錄云此銘乃孔子廟城隍神記三碑並在縉雲

其篆刻比陽冰平生所篆最細瘦世言此石皆活歲
久稍生刻處幾合故細爾恐無是理若果爾更加以
歲月則遂無復有字矣此數碑皆陽冰在肅宗朝所
書是時年尚少故字畫差踈瘦至大厯以後諸碑皆
暮年所篆筆法愈淳勁理應如此也

金石錄

唐李氏窪樽銘

唐李陽冰撰并篆無刻石年月在縉雲

復齋碑錄

唐阮客舊居詩

唐縉雲令李陽冰撰并篆書阮客隱者也碑無刻石

年月縉雲

集古錄目

詩云阮客身何在仙雲洞口橫人間不到處今日此
中行阮客者不見其名氏蓋縉雲之隱者也彼以遁
俗為高而終以無名於後世可謂獲其志矣然聖人
有所不取也陽冰欲稱其人而不顯其名字何哉豈
阮客見稱於當時而陽冰不慮於後世耶夫士固有
顯聞於一時而泯沒於後世者矣顧其道如何也陽

冰篆字世傳多矣此磨滅而僅存尤可惜也

集古錄

集古錄以為陽冰作今驗其姓名乃縉雲令李萑非陽冰也其字畫亦不工蓋陽冰肅宗上元中嘗令縉雲其篆字石刻尚多有存者故歐陽公亦誤以此詩

為陽冰作爾

金石錄

唐石門洞記

唐李陽冰篆在青田

諸道石刻錄

唐石門山瀑布記并詩

唐竇公衡記并裴士淹詩並八分書後有謝靈運丘
希範詩并希範六代姪丹和詩大厯中陳恒贊書

諸道

石刻
錄

唐石門山記

唐刺史李季貞纂篆書建中四年十一月立

復齋
碑錄

唐仙都山銘

唐李敬仲撰王光行書篆額貞元三年冬十月甲申

樹

復齋
碑錄

唐仙都山銘

唐張鷟撰正書無姓名篆額貞元三年冬十月十日

題

復齋
碑錄

唐孔子廟碑

唐韓愈撰任迪行書太和三年建

金石
錄

唐麗陽廟記

唐張碯撰張道衡正書任漢藩篆額大中九年五月

戊申朔二十日丁卯建

復齋
碑錄

唐仙都山黃帝祠堂碑

唐袁鴈撰雲遊子正書篆額咸通八年立

復齋碑錄

衢州

自隋以前地里與婺州同唐武德四年平李子通析婺州之信安置衢州以州西三衢山為名天寶元年曰信安郡皇朝因之今縣五

西安 江山 龍遊 常山 開化

唐西楚霸王祠堂記

唐賀蘭進明撰賀蘭誠行書姚韓卿篆額天寶十三

年十月八日建

唐徐偃王廟碑

唐徐安貞撰張宙正書大厯八年十月立

金石錄

唐徐偃王廟碑陰記

唐張宙撰并八分書大厯八年十月立

金石錄

唐韋公鐫信安郡王登石橋詩記

詩嗣江王偉撰記嚴綬撰韋薦書并篆額貞元三年

正月九日刺史韋光輔建

唐徐偃王廟記

唐于臯謨撰正書無姓名貞元十年秋八月立

復齋碑錄

唐徐偃王新廟碑銘

唐邵令

闕

撰姚贊分書順宗永貞元年十一月建

復齋碑錄

碑錄

唐遊石橋記并詩

唐刺史陸庶撰次男綜正書元和元年三月十日刻

復齋

碑錄

唐遊石橋序并詩

序謝良弼撰詩劉迴李幼卿李深謝劇羊滔撰元和
七年十二月十二日

唐徐偃王廟碑

唐韓愈撰元錫正書元和十年十二月立

復齋
碑錄

唐東武樓碑

唐崔耿撰正書無姓名會昌二年立

諸道石
刻錄

唐東武樓碑陰詩

東武樓新成崔耿作會昌二年九月鐫

復齋
碑錄

寶刻叢編卷十三